



Povodom odluke J.P. Međunarodni aerodrom "Sarajevo", a koja se odnosi na privremenu zabranu prijema pošiljki lijekova i medicinskih sredstava, Agencija je obavijestila sve relevantne institucije u BiH aktom sljedećeg sadržaja:

Broj:

Datum: 30.05.2016. godine

PREDMET: Ugrožavanje javnog zdravlja

Poštovani,

Dana 27.05.2016. godine zaprimili smo obavijest od Udruženja inovativnih proizvođača lijekova u Bosni i Hercegovini, koje okuplja 13 inovativnih farmaceutskih proizvođača lijekova prisutnih u BiH, AbbVie, Alcon, Bayer, Boehringer Ingelheim, Eli Lilly, GlaxoSmithKline, Novartis, Novo Nordisk, MSD, F.Hoffman-La Roche, Pfizer, Sanofi Aventis i Takeda, koje je od strane svojih ovlaštenih špeditera, dana 25.05.2016. obaviješteno da " Sektor cargo usluga Međunarodnog aerodroma Sarajevo, od 23.05.2016 godine, više nije u mogućnosti obavljati uslugu prihvata i skladištenja roba deklariranih kao lijekovi, odnosno medicinska sredstva i oprema, te da će svaka pošiljka lijekova i medicinskih sredstava koja stigne na Međunarodni aerodrom Sarajevo nakon 23.05.2016. biti vraćena istim, ili prvim narednim letom na stanicu polaska."

Ovim putem Vas informišemo da je Agencija za lijekove i medicinska sredstva BiH (dalje: Agencija), dana 06.05.2016. godine održala sastanak sa predstavnicima J.P Međunarodni aerodroma "Sarajevo" na kojem su predstavnici Aerodroma upoznati sa činjenicom da su lijekovi "specijalna roba" (sensitive goods) koja **mora biti pod stalnim nadzorom stručnih lica.**

Nakon održanog sastanka, Agencija je uputila pisani akt prema Međunarodnom aerodromu Sarajevo, a koji se odnosi na **dozvoljeno** vremensko trajanje skladištenja lijekova i medicinskih sredstava **bez stručnog nadzora**, osnovano na procjeni rizika usljed nepravilnog skladištenja lijekova i medicinskih sredstava, odnosno Agencija je izdala mišljenje, broj 10-02-3-825-1/16 od 10.05.2016. godine u kojem je navedeno da Međunarodni aerodrom Sarajevo ne posjeduje odobrenje Agencije za obavljanje djelatnosti prometa na veliko lijekova i medicinskih sredstava. S obzirom na navedeno, tranzitno skladištenje lijekova i medicinskih sredstava u neodobrenom skladištu može trajati:

Velika Mladenovica bb, 73000 Banja Luka
Centrala: +387 51 456 040; 456 040
Fax: +387 51 456 301
E-mail: info@almbih.gov.ba
www.almbih.gov.ba

Besna Vrhovca bb, 73000 Banja Luka
Centrala: +387 51 456 040; 456 040
Fax: +387 51 456 301
E-mail: info@almbih.gov.ba
www.almbih.gov.ba

- do **48 sati** u spremnicima dobavljača, za lijekove i medicinska sredstva koji zahtjevaju uslove čuvanja na sobnoj temperaturi ili koji ne zahtjevaju posebne uslove čuvanja;
- do **12 sati** u spremnicima dobavljača, za lijekove i medicinska sredstva koji zahtjevaju posebne uslove čuvanja.

S tim u vezi, nije nam jasna tvrdnja Međunarodnog aerodroma Sarajevo da lijekovi i medicinska sredstva nakon dolaska na Aerodrom trebaju biti zadržani u Airport cargo centru Međunarodnog aerodroma Sarajevo u trajanju **do 20 dana**, kao i tvrdnja data u medije da špediteri i uvoznici lijekova i medicinskih sredstava ne mogu ispoštovati rok od 48, odnosno 12 sati.

Agenciji su poznate činjenice da ovlašteni uvoznici lijekova nastoje da isti dan obave carinjenje i preuzmu lijekove. Veći broj uvoznika posjeduje **ovlaštena carinska skladišta tipa "C"** koja ispunjavaju sve potrebne uslove za dugoročno skladištenje lijekova i medicinskih sredstava. Takvi uvoznici lijekove i medicinska sredstva preuzimaju odmah po dolasku istih na aerodrom.

Također nam je poznata činjenica da **svakodnevna** procedura uvoza **radioaktivnog lijeka** FDG, od momenta dolaska leta kojim je isti dopreman, do momenta isporučivanja istog na odjel Nuklearne medicine KCU Sarajevo, **ne traje duže od 60 minuta**. Vrijeme poluraspada tog radioaktivnog lijeka je 12 sati od momenta proizvodnje, što znači da svi učesnici u lancu: proizvođač, izvoznik, transporter, uvoznik i zdravstveno osoblje imaju na raspolaganju manje od 12 sati da bi se ispravan lijek aplicirao pacijentu.

Također, ovim putem želimo naglasiti da **nisu tačne tvrdnje** društva JP Međunarodni aerodrom "Sarajevo" koje je isti dao određenim medijima, po pitanju različitog vremena skladištenja (36 i 48 sati). Naime, JP Međunarodni aerodrom "Sarajevo" je došao u posjed akta koji je upućen UINO, i u kojem su detaljno obrazloženi svi domaći i međunarodni propisi koji se odnose na tranzitna skladištenja lijekova.

U takvim tranzitnim skladištima lijekovi se smještaju zajedno sa svom ostalom trgovačkom, hemijskom, građevinskom, poljoprivrednom i sl. robom koja vrlo često sadrži organske rastvarače i toksične supstance, i **koja može** kontaminirati i promijeniti kvalitet lijeka, odnosno **trajno oštetiti lijek**.

U aktu koji je upućen u UINO, na kraju teksta, se navode **isti uslovi čuvanja** koji se navode i u dopisu upućenom J.P. Međunarodni aerodrom Sarajevo.

Iz priloga koje Vam dostavljamo, vidljiv je neupitan stav Agencije koji ničim nije mogao izazvati samoinicijativnu odluku Aerodroma. Stav ove Agencije je da se zdravlje građana mora zaštititi na najbolji mogući način, i na načine u granicama utvrđenim zakonom, te će Agencija na tome dosljedno istrajati. Nesumnjivo je da je J.P. Međunarodni aerodrom "Sarajevo" donio po korisnike lijekova, odnosno pacijente, veoma štetnu i apsolutno neutemeljenu odluku po bilo kom pravnom propisu, ili razumnom razlogu.

Vežano za prednje navedeno, molimo Vas da hitno preduzmete aktivnosti iz svoje nadležnosti, i omogućite da lijekovi i medicinska sredstva koji su neophodni za zaštitu zdravlja i spašavanje života ljudi imaju mogućnost dopremanja na J.P. Međunarodni aerodrom Sarajevo, te isporuke ovlaštenim distributerima.

S poštovanjem,



V.D. DIREKTOR

dr Aleksandar Zolak

U prilogu Vam dostavljamo:

- Dopis UINO broj: 10-02.3-13422/16 od 08.03.2016. godine
- Dopis J.P. Međunarodni Aerodrom "Sarajevo" d.o.o.
- Odgovor J.P. Međunarodni Aerodrom "Sarajevo" d.o.o. broj: 02-1-02-1-1492/5 od 23.05.2016. godine